



POZIV ZA MEDIJE

Poštovani,

Pozivate se u nedjelju, 7. novembra ove godine, sa početkom u 12:00 h, da prisustvujete u donošenju zaključaka sa sjednice Upravnog odbora ovog Sindikata vezano za zabranu štrajka od strane Opštinskog suda u Sarajevu. Kako Vam je poznato, štrajk je bio najavljen za 8. novembra ove godine.

Nadamo se da će te se odazvati našem pozivu kako bi popratili i imali važne informacije povodom dešavanja u Željeznicama FBiH u proteklih nekoliko dana.

Naime, pred i u toku same najave štrajka od strane ovog Sindikata, ispred Uprave Društva našeg preduzeća, na čelu sa generalnim direktorom gosp. Nedžadom Osmanagićem, je pokrenuta neviđena hajka, pritisci, ucjene i blaćenje imena našeg Sindikata preko ŽFBH Infa te nas time proglasili glavnim generatorom u pokretanju lošeg političkog stanja u preduzeću, krivcem u ugrožavanju egzistencije svih uposlenih i faktički upućen poziv na javni linč kako članova tako i rukovodstva ovog Sindikata.

Mi smo imali dobru namjeru i zakonski pravni osnov za organiziranje štrajka u rješavanju postupka po navedenim zahtjevima za sve uposlenike našeg preduzeća jer ostali sindikati u sistemu Željeznice FBiH to nisu mogli ili nisu htjeli iz njima poznatih razloga.

U našim zahtjevima stoji da se pod hitno povuku odluke koje su nezakonito donošene tj. izmjene i dopune Kolektivnog ugovora željezničara FBiH i VIII izmjena i dopuna Pravilnika o radu. Za Vašu informaciju, za ove navedene zahtjeve smo (u znanju da će sud zabraniti štrajk jer od 15 do sada najavljenih štrajkova, svaki je sud zabranio) pokrenuli tužbu kod Opštinskog suda u pravnoj osnovi za stavljanje van snage gore donesene odluke. 6. novembra je već pokrenut proces protiv Poslodavca za VIII izmjene Pravilnika o radu, a u ponedjeljek se pokreće sudski postupak protiv ministarstva prometa i komunikacija (kao ugovornu stranu Kolektivnog ugovora) za stavljanje van snage izmjene Kolektivnog ugovora.

S poštovanjem.


Predsjednik SMS-a u FBiH
Vernes Buljugija

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
BROJ 65 0 Rs 166474 10 Rs
Sarajevo, 05.11.2010. godine

Općinski sud u Sarajevu, i to sudija Mičović Gordana u pravnoj stvari tužitelja JP ŽELJEZNICE FEDERACIJE BOSNE I HERCEGOVINE DOO SARAJEVO, Ulica Musala broj 2., kojeg zastupa punomoćnik Hakija Kurtović advokat iz Sarajeva, protiv tuženog SINDIKAT MAŠINOVOĐA-STROJOVOĐA U F BiH SARAJEVO, Ulica Put života broj 2., zastupani po punomoćnicima Gavrankapetanović Bekiru, Koldžo Damiru i Kukić Emiru advokatima iz Sarajeva, radi zahtjeva održavanja štrajka kazanog za 08.11.2010. godine, nakon održanog ročišta za glavnu i javnu raspravu dana 05.11.2010. godine, u prisutnosti punomoćnika tužitelja i punomoćnika tuženog, donio je dana 05.11.2010. godine, slijedeću:

P R E S U D U

Zabranjuje se organizovanje i provođenje štrajka Sindikata mašinovođa i strojovođa BiH na području željezničkih pruga na području F BiH zakazano za dan 08.11.2010. godine.

Tuženi je dužan tužitelju naknaditi troškove postupka u iznosu od 2.345,00 KM, sve u roku od 15. dana pod prijetnjom prinudnog izvršenja.

Prima se na znanje povlačenje prijedloga za određivanje privremene mjere.

O b r a z l o ž e n j e


Tužbom od 02.11.2010. godine, uređenoj u podnesku od 04.11.2010. godine, tužitelj je po punomoćniku naveo da je tuženi dana 27.10.2010. godine dostavio Akt broj 26-X/10 od 26.10.2010. godine, kojim najavljuje štrajak za dan 08.11.2010. godine u svim prometno poslovnim područjima JP ŽF BiH doo Sarajevo, Zenica, Mostar, Tuzla i Bihać sa početkom u 7,00 sati, Odluku o organizovanju štrajka Sindikata mašinovođa-strojovođa u F BiH za dan 08.11.2010. godine broj 25-X/10 od 22.10.2010. godine, Odluku o formiranju štrajkačkog odbora za organizaciju štrajka Sindikata mašinovođa –strojovođa u F BiH za dan 08.11.2010. godine broj 25-X-1/10 od 22.10.2010. godine. Tuženi je javno preduzeće u F BiH za oblast željezničkog saobraćaja i ukupno broji 3.909 zaposlenih na dan 30.09.2010. godine, članova sindikata 3.517, a u okviru sistema željeznice postoji obrazovano šest samostalnih sindikata. Između ostalih mašinovođe kao posebna radna jedinica obrazovali su sindikat mašinovođa koji djeluje u okviru tužitelja, a ukupno broje 420 zaposlenih na dan 01.10.2010. godine. Nakon stupanja na snagu izmjena i dopuna Kolektivnog ugovora i Pravilnika tuženi je svojom Odlukom broj 25-10-1/10 od 22.10.2010. godine formirao štrajkački odbor za organizovanje štrajka dana 08.11.2010. godine. Tom odlukom imenovan je štrajkački odbor od sedam članova, formirani pododbori u svim prometno poslovnim područjima tužitelja. Odlukom broj 25-X/10 od 22.10.2010. godine organizovan je štrajk tuženog za 08.11.2010. godine, a tom Odlukom obavezane su sve sindikalne podružnice mašinovođa-strojovođa da odmah pristupe pripremama za održavanje najavljenog štrajka. Aktom tuženog 26-X/10 od 26.10.2010. godine tužitelju je dostavljena najava štrajka za dan 08.11.2010. godine. U tačkama 1 i 2. ovog Akta opisani su razlozi. Kao prvi razlog ukazano je na nezakonito vršenje izmjena Kolektivnog ugovora, a drugi razlog je nezakonikto donošenje Odluke o donošenju Pravilnika

Na osnovu izvedenih dokaza sud je našao utvrđenim da je poslodavac tj. tužitelj donio Akt broj 7033/10 od 28.10.2010. godine kojim je pozvao samostalne sindikate tužitelja na sastanak radi utvrđivanja između ostalog i sporazuma o poslovima koji se ne mogu prekidati za vrijeme štrajka. Međutim sud nije utvrdio okolnost da su isti otpočeli sporazumijevanje niti da su eventualno postigli sporazum u roku od 5 dana u kojoj pravnoj situaciji bi se eventualno rješavanje nastalog spora povjerilo arbitraži. Takođe sud nije našao utvrđenim da su poslovi iz stava 2. ovog citiranog člana uređeni Kolektivnim ugovorom kako opštim tako i Kolektivnim ugovorom željezničara F BiH (sl. novine F BiH br. 11/2007) jer odredbe navedenog ugovora koje se odnose na štrajk propisuju sporazumno utvrđenje poslova koji se ne mogu prekidati za vrijeme štrajka. Sporazum o utvrđivanju poslova koji se ne mogu prekidati za vrijeme štrajka je propisan i odredbom člana 10. Pravila sindikata o štrajku od 06.08.2009. godine broj 30-VIII/09. Dokazi punomoćnika tuženog koji su izvedeni u toku ovog postupka po ocjeni suda ne dokazuju suprotno, a ovo iz razloga što sud ne cjeni da je tužitelj jednostrano odustao od učesća u ovom postupku iz razloga što je isti najavu štrajka zaprimio dana 27.10.2010. godine, a poziv sa dnevnim redom uputio između ostalih sindikata i tuženom.

Članom 6. citiranog zakona je propisano da štrajk ne može početi prije okončanja postupka mirenja predviđenog Zakonom o radu, odnosno prije provođenja drugog načina mirnog rješavanja spora o kojem su se stranke sporazumjele. Zakon o radu i to članovima 122-126 propisuje način mirenja ukoliko stranke ne dogovore način mirnog rješavanja spora, a koji postupak provodi mirovno vijeće. Tuženi nije dokazao da je postupio u smislu člana 6. Zakona o štrajku.

Sud cjeni da bi štrajk bio zakonit, a shodno odredbama Zakonu o štrajku i pravilima štrajka moraju biti kumulativno ispunjeni svi uslovi propisani odredbama članova od 2-7. zakona o štrajku, a što po ocjeni ovog suda nije slučaj, te je tužbenom zahtjevu tužitelja valjalo udovoljiti u cjelosti. Ostali navodi tuženog istaknuti u toku postupka, a koji se odnose na ovlaštenje broj 7033-1/10 za Puzić Nijaza su neosnovani jer iz istog ovlaštenja proizilazi da je on zastupnik Uprave društva, te je kao takav po ocjeni suda imao ovlaštenja kako za pregovore za mimo rješavanje ovog spora tako i za zaključenje sporazuma iz člana 5. Zakona o štrajku, a tuženi po ocjeni suda je napuštanjem ovog sastanka iskazao svoj stav prema mimom rješenju ovog spora ili eventualnom postizanju sporazuma.

S obzirom na izloženo valjalo je udovoljiti tužbenom zahtjevu te obavezati tuženog da tužitelju naknadi troškove postupka, a koji se sastoje od sastava tužbe 802,00 KM, zastupanja na ročištu 04.11.2010. godine 401,00 KM, zastupanje na ročištu 05.11.2010. godine u iznosu od 802,00 KM, što ukupno iznosi 2.005,00 KM, uvećano za PDV u iznosu od 340,00 KM ukupno 2.345,00 KM, u smislu člana 386. st. 1 i 387. ZPP-a.



POUKA: Protiv ove presude dozvoljeno je pravo žalbe Kantonalnom sudu u Sarajevu putem ovog suda u roku od 15 dana, od dana dostavljanja. Žalba se podnosi u dovoljnom broju primjeraka za sud i stranke.

**Advokat
MAJA ŠKORO**

Sindikata mašinovođa-strojovođa u FBiH

Put života 2, 71000 Sarajevo
Federacija BiH, Bosna i Hercegovina
Tel/Fax: +387 (0)33 218 298

n/r g-dina Vernesa

Poštovani,

u prilogu Vam šaljem potvrdu o prijemu dokumenta sa Općinskog suda u sarajevu kojim se potvrđuje prijem tužbe gdje su tužitelji:

1. SINDIKAT MAŠINOVOĐA-STROJOVOĐA FBiH,
2. SAMOSTALNI SINDIKAT IZVRŠNOG OSOBLJA PODRUČJE INFRASTRUKTURE ŽFBiH, oboje zastupani po punomoćniku Maji Škoro, advokatu iz Mostara, a protiv tuženog JP ŽELJEZNICE F BiH, d.o.o.

Sarajevo, ulica Musala br.2. Vrijednost spora je 6.500.000,00 KM

Predmet se vodi pod brojem 65 0 Rs 167030 10 RS i sudija je Emina Tahirović.

Uz tužbu je predloženo donošenje mjere osiguranja - da se do okončanja sudskog postupka ne primjenjuju odredbe Pravilnika o VIII izmjenama.

Tužba protiv Ministarstva će biti predata u ponedjeljak.

Ujedno Vas obavještavam da smo dobili prvu pozitivnu presudu Općinskog suda u Sarajevu u vezi isplate regresa, doprinosa i manje isplaćenih plata i da je u potpunosti udovoljeno našem tužbenom zahtjevu.

Mostar, 05.11.2010.god.

ADVOKAT
MAJA ŠKORO
BOSNA I HERCEGOVINA
MOSTAR
71000
TEL: 33 218 298